

浙江圖書館




浙江圖書館



浙江圖書館



浙江圖書館



浙江圖書館



浙江圖書館

嘉善縣志卷五

古今文章二

序

陸宣公翰苑集序

唐權德輿

嘗讀賈誼書觀其經制人文鋪陳帝業術亦至矣待之宜

室恨得後時遇亦深矣然竟不能達四聽而盡其善排群

議而試厥謀道之難行亦已久矣東陽絳灌何代無之噫

一薰一蕕善薺不能同其器方鑿圓柄良工無以措巧心

所以理世少而亂日多大雅衰而正聲寢漢道未融既失

圖書館



之于賈傳吾唐不幸復擯棄于陸公公諱贄字敬輿吳郡蘇人溧陽今偁之子年十八登進士第應博學宏辭科受鄭縣尉非其好也省母歸壽春刺史張鎡有名于時一獲晤言大加賞識既別鎡以泉貨數萬為賁曰願以此奉太夫人一日之膳公悉辭之領新茶一串而已是歲以書判拔萃調渭南簿御史府以臨察換之德宗皇帝春宮時知名召對翰林即日為學士由祠部員外轉考功郎中朱泚之亂從幸奉天時車駕播遷詔書旁午公灑翰即成不復起草初若不經思慮及成而奏無不曲盡事情中于機會

倉卒積委同職者無不拱手嘆服不佞復有所助嘗從客
奏曰此時詔書陛下宜痛館引過以感人心昔禹湯以罪
已勃興楚昭以善言復國陛下誠能不恡改過以言謝天
下俾臣草辭無諱庶幾群盜革心上從之故行在詔書始
下雖武人悍卒無不揮涕激發議者以德宗克平寇亂不
惟神武之功爪牙宣力蓋亦資文德腹心之助焉及還京
師李抱真來朝奏曰陛下在山南時山東士卒聞書詔之
辭無不感泣思奮臣節臣知賊不足平也公自行在帶本
職拜諫議大夫中書舍人精敏小心未嘗有過艱難扈從

行在輒隨啟沃謀猷特所親信有時讌語不以公卿指名
但乎陸九而已初幸梁洋棧道危狹從官前後相失上夜
次山館召公不至泫然號於禁旅曰得陸贄者賞千金頃
之公至太子親王皆賀初公既職內署母韋氏尚在吳中
上遣中使迎致京師道路置驛文士榮之丁韋夫人憂去
職持喪于洛遣人護洛陽之柩附葬河南上遣中使監護
其事四方贖遺數百萬公一無所取素與蜀帥韋南康布
衣友善韋令每月置遺公奏而受之服闕復內職權知兵
部侍郎覲見之日天子為之改容叙弔優禮如此內外屬

望旦夕候其輔政為竇叅忌嫉故緩之直拜兵部侍郎知
貢舉得人之盛公議稱之貞元八年拜中書侍郎平章事
公以少年入侍內殿特蒙知遇不可與眾浮沈苟且自愛
事又不可必諍之上察物太精躬臨庶政失其大體動與
公姦諛從而間之屢至不悅親友或規之公曰吾上不負
天子下不負吾所學不恤其他公精于吏事斟酌剖決不
爽錙銖其經綸制度具在德宗實錄及竇叅劄劉士寧之
賂為李巽所發得罪左遷橫議者以公與叅素不協歸罷
相之議於公戶部侍郎判度支裴延齡以姦回得幸害時

蠹政物議莫敢指言公獨以身當之屢言不可翰林學士
吳通玄忌公先達每切中傷陰結延齡互言公短宰相趙
憬公之引拔升為同列以公排邪守正心腹異之群邪沮
謀直道不勝十年退公為賓客罷政事明年夏旱芻糧不
給軍校訴於上延齡奏曰此皆陸贄輩怨望鼓扇軍入也
貶公忠州別駕上怒不可測賴陽城張萬福救之獲免蜀
帥韋令抗表請以贄代已歲貽資糧公在南賓閉門却掃
郡人稀識其面復避謗不著書惟考校醫方撰集驗方五
十卷行于世江峽十年永貞初與鄭餘慶陽城同徵還公

已薨沒時年五十二公之秉筆內署也推古揚今雄文藻
思敷之為文誥伸之為典謨俾獮狡向風懦夫增氣則有
制誥集一十卷覽公之作則知公之為文也潤色之餘論
思獻納軍國利害巨細必陳則有奏章七卷覽公之奏則
知公之為臣也其在相位也推賢舉能舉直措枉將幹璿
衡而揭日月清氛沴而平泰階敷其道也與伊說爭衡考
其文也與典謨接軫則有中書奏議七卷覽公之奏議則
知公之事君也古人以士之遇也其要有四焉才位時命
也仲尼有才而無位其道不行賈生有時而無命終于一

慟惟公才不謂不長位不謂不達達時而不盡其道非命
歟裴氏之子焉能使公不遇哉說者又以房魏姚宋逢時
遇主克致清平陸君亦獲幸得君而不能與房魏爭列蓋
道未至也應之曰道雖在我弘之在人蜚蝗竟天農稷不
能善稼奔車覆轍丘軻亦廢規行若使四君與公易時而
相則一否一臧未可知也而致君不及貞觀開元者蓋時
不幸也豈公不幸哉以為其道未至不亦誣乎公之文集
有詩文賦集表狀為別集十五卷其關於時政昭然與
金石不朽者惟制誥奏議乎雖已流行多謬編次以今類

相從冠於編首兼略書其官氏景行以為序引俾後之君子覽公制作效之為文為臣事之道不其偉歟

表賢錄序

胡潔

雲南人本
縣知縣

名山大川一方之望也君子之賢于一鄉一鄉之望也故山川心有封禪祭告之典而賢者生必表厥宅里歿必祭于社亦古今之通禮也禮以義起為有司而不知部內之賢否善惡其何以示勸懲厚里俗哉予自戊辰登進士第越明年拜官知嘉善善邑之後造咨師古好學其民則淳朴易治暇日嘗延士夫於燕居詢其風俗信向及鄉賢可

表以為民勸者始知先生為邑間人當宋熙寧時權姦竊
柄新法旁午而先生以山陰一令乃能不顧榮辱抗疏敢
言其視貶斥若去傳舍既而掛冠遠引夷然不以富貴為
事清風高節達於一鄉信如古所謂鄉先生者也余遂祠
於墓所凡堂宇皆因其舊不勞民不傷財修飭粉飾之者
皆出其墓田之入督守者為之也噫邑有若人安知吾民
之助功者不法先生之高擢制科效忠義者不法先生之
抗言高論礪廉靜者不法先生之敝屣浮榮也哉吾固表
章之所謂一鄉之望者以此望於一鄉也祠成則碑有記

祭有文頌有詩不可無錄鄉進士陸君嶽請以表賢顏其
卷且屬余序予宰斯土固宜序之俾斯民有所興起

武塘勝覽詩序

孫詢 邑人賢
良方正

輿地有大小圖志有詳略不過紀其事錄其所以備參考
耳蓋天下輿地之大者也郡而至邑輿地之小者也故所
紀山川人物亦各因其地之大小而為是詳略焉然必詳
於忠孝名節廉耻禮讓而略怪誕幽隱竒巧形勝者厚於
人而薄於物也其必有大美惡者存焉此圖志之作實有
關於名教也敷宣德庚戌廷臣大理胡卿槩巡撫東南以

嘉興地廣民夥拆為七邑嘉善其一也舊名武塘初未有
圖志詢時家食未仕乃與江君孔殷厥子孟順竊披其名
賢節士寺觀橋梁景物風俗類為七言律詩各凡四十有
六首彙而成集命之曰武塘勝覽以俟觀風者之采擇焉
非銜玉求售也非沽名射利也諺曰太山不辭土壤河海
不擇細流他日纂修圖志秉至公者或有取而少覽焉庶
幾為教之一助耳詩之弗工讀者不以辭害意也

莘川十景序

浙

周鼎

莘川為斜塘別號以地勢言則曰斜塘以地言則曰西塘

以其界乎兩鄉之間左永安右遷善方數里皆平疇無太
高太窪故字之曰平川予以其士多尚文所與從多嘉賓
又號之曰苹其地南始于洪於翠翠別有南北南距此遠
北為苹之右臂洪在左額二水來數里合為一汪洋渺瀚
可月夜領客以遊然生民以食為天故十景先言翠之春
耕而後洪之夜泛也曉市之盛官設征商局於上農工相
易於下日中而罷賈船鱗集雖曰利亦日用所不可無况
國稅所重故又冠之于十景之首地非城邑而太平豐享
人自遂其生也北止乎東西根兩字圍水橫截之而直貫

乎中歲為稼患叅議喻良顯忠以上命治水駐節乎茲
作兩堰鎖眾流之尾以濬人大稱便化汙萊為新田
當十景之一形勝有在不特為兩圩水利其他六景皆客
而四景蓋其主也吾先世家市中大後徙桐在革之右股
雖陋而竊為里曲所歸望雖野而在市同也隱然自成一
景於溪雲沙島間最後始言及者降不欲為五客景敵况
四主乎九皆實景有此地即有之矣書屋之景則有之於
新非舊物焉高君孟瞻每謂予曰微執事品題則斯景晦
而吾輩之人負其地矣予遂次第之為十短律且為序不

讓者似欲僕僕前導豈僭也哉吾鄙之士其予和之

麟谿八景序

館

周鼎

麟谿猶族姓然八景其支派也吾郡有大鄉曰麟謨地皆
平田而衆流交絡於中故又氏之曰麟谿焉其南則郡城
之東郭長陂橫亘三十里曰湖塘折而北走迤東曰石井
塘分迤而西曰澹滄涇分澹滄之西迴而南曰餘畝涇石
井當麟之左澹涇居麟腹湖塘面其陽為石澹二水所
宗餘畝又澹之小支也學佛者結四廡廡於滄之上曰崇
福負麟而立曰淨蓮在滄之陰方盛曰水雲在滄之陽今

廢又其偏曰雪溪亦廢皆殘烟疎柳可畫昏地之勝絕境也客之至於麟者必舟於滄而石井湖塘餘畝則或以之而為逕馬暇則于福於淨以登觀其盛又暇則于雲于雪以弔其廢故有湖塘春漲餘畝秋盈石井風帆雪谿漁唱澹滄煙靄水雲月色淨蓮夕照崇福曉鐘之分景為八以入詩人之詠然而風帆不特可分於石分於澹亦可也煙靄不特可系之澹系之湖亦可也春漲又豈特屬之湖而不可屬之石與澹哉偶觸於前昏足以自成景猶曉鐘夕照可併言之于淨于福雪之漁唱可言之雲雲之月色可

言之雪耳目所至景固未嘗有專在也欲分為題不得不
專言耳游觀之士有感而賦必專指而莫之沅斯為得體
集而成什則沈君孟璵為鄉之行義家嗟夫秋盈一題雖
福淨無所與蓋亦不能無所望也而况宅乎以類相從故
附之餘畝之下使通言之將無不可焉

嘉善文編序

都穆

嘉善為縣隸嘉興府其山浙疆域戶口貢賦與夫土物之
產不減劇縣而文獻之可稱述者蓋亦未嘗乏焉斗城俛
君公在以給事黃門出丞于茲肆其餘力著為縣志復取

詩文之有關於志者次其時代別為一書名曰嘉善文編
刻之與志並傳予得而讀之有以知君子為政而文事之
不可少也夫文章與政相為流通世之為吏者往往用心
于簿書楷會謂足以盡其職而文事多不之好其好焉者
則又以為非政之所先而忽之抑孰知夫事有似緩而實
急似細而實大如是編者乎編中之作為體不一皆雄健
雅醇清新俊逸粲乎珠玉之陳鑑乎宮商之奏其人若權
文公蘇瑞明以及黃侍講晉卿楊提舉廉夫又昏世之所
謂文章鉅公此固可為嘉善之重而不特一邑然也文之

重于世也尚矣雖山水之異人物之賢下至禽虫花木其
名莫不以有文而傳無文而泯是文為主而彼固借之也
嘉善在昔非無文也有之而弗知知之而弗錄與無文者
等耳今是編一出而鉅公之文在焉雖欲不傳其可得乎
倪君佐縣嘗通水利輕賦斂招流亡政之善者不一近既
建思賢書院以來學者而又克為此世有丞若斯人哉故
特樂序之

浙

嘉善志餘引

張弘至

戶科都
給事中

曩會舊寅倪君公在於嘉善詢及邑志事忽踰月而集成

以寄予訝其成之太亟也而剽繁理錯之才亦可徵矣既而復見所謂餘纂者蓋掇所不盡以附益于志而志斯備矣有若籍以示防焉例以示守焉式以示法焉又有啟于未然而冀善於無窮者焉皆志之餘而有裨於邑者宜其不憚乎自編纂之君斂其恢達之材小著于一割固有遺力焉耳宣聖以舊政告之新令為忠茲其為邑告寧有既乎嗣是而邑者得吏之師志之例矣凡可興革可鑒戒可為民利且病者一舉目而具夫安得邑置一編哉昔宋人欲得如仇者百輩布列天下予獨不有念于今乎而公在

尚可久局於茲因書為志餘引

浙江圖書館

嘉善縣志卷五終


浙江圖書館



浙江圖書館



浙江圖書館



浙江圖書館


浙江圖書館善本

乙 登記號：017948

一九 年 月 日





浙江圖書館




浙江圖書館

浙江圖書館

明倫彙編





Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black